



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1248. Usque Ad Annum 1276

Fleury, Claude

August. Vind. [u.a.], 1765

VD18 90118243

§.55. Tartari Hungariæ Regi conditiones pacis offerunt.

[urn:nbn:de:hbz:466:1-66255](https://nbn-resolving.org/urn:nbn:de:hbz:466:1-66255)

§. LV.

Sæcul. XIII.

A. C. 1258.

*Tartari Hungariæ Regi conditiones
pacis offerunt.*

Hungarorum Rex Bela IV. metu Tartarorum, qui huic regno vastitatem jam intulerant, oblatas sibi ab illis fœderis conditiones audire coactus, ad Papam Alexandrum quendam Doctorem Paulum nomine misit cum epistola, in qua dicebat: Cum Tartari Hungariam invasis-
sent, ad Papam Gregorium IX. Episcopus Vacianum (qui nunc est Prænestinus) suppetias ab eo postulaturum misit: sed ille ne verbo quidem consolatorio me dignatus est. Hic Episcopus erat Stephanus Vacia translatus ad Archiepiscopatum Strigoniensem, & a Papa Innocentio IV. Cardinalis Episcopus Prænestinus creatus an. 1251. Epistola sic continuatur: Post obitum Gregorii vacante Sede Apostolica Cardinales mihi scripsere, postquam electus Papa esset, eum hos acerbissimos hostes e regno meo abigi curaturum. At hæc spes vana fuit, & post electionem novi Papæ contemptus mansi ac derelictus. Cum proin Tartaris obsistendo non sim, si sanctæ Sedis auxilium etiamnum mihi desit, pacem ac fœdus ab iis sæpius mihi oblatum magno

*ap. Rayn.**n. 33.**Sup. lib. 81.**§. 48.**Ughell. to. 1.**p. 239.*

Sæcul. XIII.
A.C. 1259.

gno cum dolore accipere cogar. Faciunt mihi optionem vel filium meum filiae Principis sui, vel hujus filio filiam meam despondendi; sed hac expressa conditione, ut filius meus cum quarta exercitus mei parte a fronte Tartarorum in Christianos eat, prædarumque & armis quæditorum partem quintam habeat. Præterea a solvendo eis tributo immunis ero: non intrabunt terras meas: atque si Legatos ad me mittent, eorum comitatus centum capita non excedet. Bela querebatur etiam, regni sui ecclesiis gravem esse Papam beneficia dantem exteris, orabatque, ut ne is amplius sic ageret.

Papa 14 Oct. 1259 ei sic respondit: Nemo ignorat, in quanta rerum perturbatione tunc, cum opem a Gregorio IX. peteres, Ecclesia fuerit, & quantopere Imperator Fridericus eam vexarit. Nondum hætenus solvendo fuit grandia illa debita, quæ tum contrahere coacta est, ita ut potius eguerit subsidio, quam ferre aliquod potuerit. Dum Gregorio successit Innocentius, abeuntibus Tartaris procella tui regni præterierat; nec opus erat amplius Cardinalium promissum effici. Quod attinet ad ea, quæ Tartari modo tibi proponunt: si nec a cælo nec a terra sperandum tibi esset auxilium; si de jactura omnium orbis regnorum, im-

mo

mo de vita ageretur tua, horrere tamen illa deberes. Sunt remedia tam probrosa, ut generosus homo eis mortem præferat. Ne sinat Deus, ut ob commodum temporale a corpore recte credentium te separes, & cum ethnicis foedus sancias futurus Christianorum hostis, quorum defensor fueras, & ad hos invadendos viam barbaris aperturus! Quin etiam, si hoc æternum tibi dedecus accivisses, regni tui jactura potius, quam salus foret. Audiisti forsitan ipse, Tartaros per fallaces similibus foederum illecebras multis populis imposuisse. Num te facturum putas, ut tibi uni promissa præstent sua? Ethnicorum fidei haud innitendum. Cum nostris in juramentis nihil authoritatis agnoscant: Christianus illis jurantibus fidere potest?

Sed nec matrimonii vinculum potest Christianum ethnica cum foemina jungere; quia inter ethnicos ipsos connubium quanquam verum ob fidei penuriam nec firmum est nec indissolubile. Si proin, quod Deus avertat, filiam aut filium tuum Tartaris dares, hæc illicita conjunctio nullam paci tuæ firmitatem tribueret, nec nisi concubinatus infamis esset. Monet deinde, ut confugiat ad Deum, agnoscatque, his ethnicorum incurfibus puniri crimina Christianorum, speciatim occupata bona Ecclesiæ, ac impugnatam ejus liberta-

Sæcul. XIII.

A. C. 1259.

Sæcul. XIII.
A. C. 1259. bertatem. Precatur, ne moleste ferat, si postulati mille balistarii sibi non mitantur, eo quod subsidium majus habiturus esset in quinta sacrorum Hungariæ proventuum parte: se hanc ei concedere, immunes tamen ab ea velle Templarios Equites cum cæteris Religiosis militaribus, monachisque Cisterciensibus. Denique beneficia in extraneos collata frigide excusat, dicens, vix dari regnum aliud, cui hæc querela minus conveniat quam Hungariæ; nec tam bene agi posse, ut homines maligni nihil vituperent.

Illud, quod Papa hic asserit, in ethnicorum fide haud esse nitendum, non nimium striçte accipi debet. Haud decet divinam & quæ naturam excedit, fidem confundere cum bona fide humana omnis varias inter gentes commercii basis, quod sanæ rationis effectus est naturalis. Conjugii impedimentum ex diversitate religionis natum non est insuperabile in certis casibus singularibus, in quibus de publico & ipsius religionis bono agitur.

§. LVI.

Litteræ Pontificiæ contra Clericos concubinos.

ap. Rayn.
n. 22.

Incontinentia Cleri tam communis & tam publica erat, ut Papa Alexander reme-